



Kung Bakit May Sungay ang Usa  
Thu Hằng  
Trần Minh Tâm



Noong unang panahon, ang usa ay isang napakamahiyaing hayop. Kintatakutan niya ang lahat: kadiliman, halimaw, at kahit ang hindi pangkaraniwang ingay ay kinagugulatan niya.



Gayunpaman, minamahal siya ng kaniyang mga kaibigan dahil sa kaniyang katalinuhan, kasipagan, at kabaitan.

Isang araw, nang malaman ng usa na may malubhang karamdaman ang kaniyang tiyong oso, nagpaalam siya sa kaniyang ina na bibisitahin niya ito.




"Napakalubha ng aking karamdaman,"  
nanlalatang saad ng tiyong oso. "Tanging ang  
mga dahon lamang ng mahiwagang damo  
na matatagpuan sa makitid na lam bak ang  
makagagamot nito."

"Maaari akong tumakbo na kasing-tulin ng  
isang pana," sagot ng usa. "Hahanapin ko ang  
mahiwagang damo para sa iyo."





Ngunit napakakitid ng lagusan sa kagubatan na puno rin ng mga mababangis na nilalang. Nakaramdam ng takot ang usa. Nang mabalot ng kadiliman ang kabundukan ay mas natakot ang usa. Nagtago siya sa ilalim ng isang matandang puno at umiyak.



"Bakit ka umiiyak?" tanong ng Diwata ng mga puno na biglang lumitaw mula sa matandang puno. "Naliligaw ka ba?"

"Hindi. Hindi po," sagot ng usa. "Hinahanap ko ang Mahiwagang Damo na siyang gamot sa karamdaman ng aking Tiyo Oso. Ngunit napakaraming mababangis at nakakatakot na nilalang dito sa kagubatan. Natatakot ako."



"Maaari ka nang umuwi kung ikaw ay natatakot," sagot ng Diwata.

"Pero, paano ang aking Tiyo Oso?" pag-aalala ng usa. "Hindi siya gagaling sa kaniyang sakit kung wala ang Mahiwagang Damo."





"Napakataba ng iyong puso, bata,  
" malumanay na saad ng Diwata. "Ito, kunin  
mo ang matitibay kong mga sangay. Ilagay  
mo sa iyong ulo upang ikaw ay lumakas."  
Nagpasalamat ang usa sa Diwata sa ibinigay  
nitong regalo at agad na nagpatuloy sa  
kaniyang paglalakbay.





Ngayon ay malakas na ang loob ng usa na lusungin ang malalim na mga ilog at akyatin ang matatarik na mga bundok sa kabila ng mababangis na mga nilalang at kadiliman. Nagbubukang-liwayway na nang makarating ang usa sa tahanan ng kaniyang Tiyo Uso dala ang mahiwagang damo.



Isang hiwaga ang mabilis na paggaling ng kaniyang Tiyo Uso, nang dahil sa mga dahon ng mahiwagang damo.



Simula noon ay naging mas matapang na ang usa. Palagi niya na ring suit ang regalong ibinigay sa kaniya ng Diwata, na siyang nagprotekta sa kaniya laban sa mga mababangis na nilalang. Ang mga sangay sa kaniyang ulo ay tinawag na "mga sungay".



Brought to you by



## The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,  
visit: [letsreadasia.org](http://letsreadasia.org)


### Original Story

Kung Bakit May Sungay ang Usa (*Why Do Deer Have Antlers?*).

Author: Thu Hằng. Illustrator: Trần Minh Tâm.

Published by Kim Dong Publishing House, © Kim Dong Publishing House. Released under CC-BY-NC-4.0.

This work is a modified version of the original story. @ The Asia Foundation, 2023. Some rights reserved. Released under CC-BY-NC-4.0.



For full terms of use and attribution,  
<http://creativecommons.org/licenses/by-nc/4.0/>

Contributing translators: Jake Marzel Dumlao, Orland Solis, and Vannie Ruadap